

L'ors dela val de Genova

*L'ors dela val de Genova
bisòn lassàrlo star,
che 'l gira per quei sgrèbeni
su e zo come ghe par.
Che 'l vaga, che 'l se zinzorla,
che 'l ciapa l'aqua e 'l sol,
che 'l brigola, che 'l sfodega,
che 'l faga quel che 'l vòl.
Che 'l rampega sui laresi
per far scampar i gai,
che 'l scorla zo le ciorciole,
che 'l rosega i zimai,
che 'l zifola sui finferli,
che 'l caga sule giasene
perché le ciapa odor,
che 'l tasta qualche pegora,
che 'l roba anca la mèl,
che 'l ciucia la betonega
per rinforzarse 'l pel,
che 'l àrfia, che 'l se sfregola
sui crozzi del sinter,
che 'l sbrega zo le ampomole,
che 'l faga el so mester,
che 'l bala, che 'l se rudola,
che 'l seguta a snasar,
l'ors dela val de Genova
bison lassàrlo star.
Se no' 'l ne scampa 'n Sguizzera
co' le balote en su
o 'l ne va fòr dai toderli
e chi gabù, gabù!*

Marco Pola 1968